



KOMUNIKADU IMPRENSA

Centro Chega!l.P Fo Formasaun Ba Kompetitór Sira Ne'ebé Liu Ona Selesaun Abstratu Hakerek Ensaiu Reflektivu

Dili – (13 Juñu 2025), Centro Nacional Chega!l.P liu husi Divizaun Prezervasaun no Memorializasaun (DPM) fo formasaun ba kompetitór sira hamutuk 25 ne'ebé liu selesaun abstratu hakerek ensaiu reflektivu ho objetivu mak, atu introduz koleasaun arkivu Centro Chega!l.P ne'ebé mak sai baze ba hakerek ensaiu reflektivu no mos introduz metodu hakerek ensaiu reflektivu. Formasaun ne'e realiza iha Salaun Konferensia Centro Chga!l.P, Antigo Comarca Balide.

Tema ba formasaun mak “Aprende husi Pasadu: Refleksaun Foinsa'e nian kona-ba Violaasaun Direitus Umanus iha Pasadu”. Formasaun ne'e fasilita husi ekipa Chega! mak hanesan, Aventino J.B. Ximenes, atual Xefe Departamentu Arkivu, lori materia kona-ba “Introdusaun Arkivu Centro Chega!l.P”. Yazalde Manaka Sávio, ataul Diretór DPM lori materia kona-ba “Giaun ba Hakerek Ensaiu Reflektivu”. Fernão dos Santos Rodrigues, lori materia kona-ba “Peskiza Arkivistika: Fundamentu, Metodu no Aplikasaun”. Domilce Ferreira lori materia kona-ba “Prosedimentu Padronizada Asesu Arkivu Centro Chega!l.P.

Hafoin remata formasaun, kompetitór sira sei halo peskiza iha Arkivu Centro Chega!l.P haktuir prosedimentu padronizadu asesu nian ne'ebé aplika iha arkivu refere.

Formasaun ne'e realiza tanba hetan apoiu finanseiru husi parseria United Nations Educational, Scientific and Cultural Organization (UNESCO) no Korea International Cooperation Agency (KOICA) liu husi projetu “*Digitalization of Chega! National Center for Conflict Reconciliation and Peacebuilding in Timor-Leste*” ho objetivu mak atu bele prezerva no transmite memória no istória Timor-Leste nian hodi kria kultura dame nu'udar forsa moris ba nasaun ninia rekonsiliaasaun, rekonstrusaun no dezvoltamentu sustentável.

Atividade formasaun ne'e halo bazeia ba mandatu tuir dekretu lei nu 48/2016, ho nia misaun mak atu sai hanesan sentru post konfliktu ne'ebé prezerva memória pasadu hodi promove direitu no valor umanu nian. Ho nia vizaun mak harii sosiedade inkluzivu, la repet istória moruk pasadu nian, moris iha dame no respeito ba direitus umanus.

Entertantu, formasaun ida ne'e realiza iha 'ambitu selebrasaun Semanal Internacional Arkivu 2025 ne'ebé hahu (9-13 Juñu) ho tema “Arkivu Asesivel: Arkivu ba ema hotu”.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Centro Nacional Chega!!I.P, *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega!!I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".